


PLANINARSKKE KUĆE I DOMOVI

U BOSNI I HERCEGOVINI



Planinarska kuća „Zdravko Čović“ na Hranisavi

Izdanje Planinarskog društva »Bjelašnica«

Sarajevo, Jugoslavenske narodne Armije 79 - Telefon 53-61

— 1955 —

Planinarske kuće i domovi

u Bosni i Hercegovini



Izdanje Planinarskog društva »Bjelašnica«

Sarajevo, Jugoslavenske narodne Armije 79- Telefon 53-61

— 1 9 5 5 —

U želji da planinari bolje upoznaju naše planine i planinarske objekte u Bosni i Hercegovini, izdajemo ovu brošuru sa ciljem da doprinesemo skromni udio na međudruštvenoj suradnji i zbliženju bratskih planinarskih društava.

U brošuri „Planinarske kuće i domovi u Bosni i Hercegovini“ opisane su u kratkim crtama sve planinarske kuće i domovi, broj soba i ležaja, opskrba, komfor kuće, najbolji prilazi, udaljenost od važnijih komunikacija, nadmorska visina i sve ostalo što planinare zanima. Pored opisa pojedinih objekata naznačeno je i kojem društvu se treba obratiti radi informacija.

U našoj Republici prije II Svjetskog rata bilo je 38 planinarskih objekata. Tokom rata svi su uništeni osim dva doma na Trebeviću. Neposredno po svršetku rata, uporedo sa radom na obnovi opustošene zemlje, pristupilo se i intezivnoj izgradnji planinarskih objekata, tako da je za period od 10 godina izgrađeno 33 objekta sa 1.220 postelja i sa mnogo boljom opremom.

Ovako zavidni rezultati na izgradnji planinarskih objekata postignuti su zahvaljujući svestranoj finansiskoj pomoći narodnih vlasti koju su pružile preko Planinarskog saveza Jugoslavije i republičkih saveza.

U periodu od 1931 — 1953 godine dobiveno je od saveznih i republičkih organa 368,235.109 dinara. Od te sume dobili su:

Srbija	123,564.259.—
Slovenija	86,754.000.—
Hrvatska	77,000.000.—
Makedonija	46,780.392.—
Bosna i Hercegovina	18,000.000.—
Crna Gora	16,126458 —

Kada uporedimo broj planinarskih objekata koji su postojali prije rata i koji sada postoje dobićemo jasnu sliku o snažnom razvoju planinarstva u pojedinim republikama.

	Broj objekata	
	1941	1955
Slovenija	64	145
Srbija	11	53
Hrvatska	28	39
Bosna i Hercegovina .	38	33
Makedonija	3	21
Crna Gora	—	5

Iako su finansiska sredstva bila skromna 'planinari Bosne i Hercegovine postigli su nesrazmjerno velike uspjehe u poređenju s drugim republikama. Naši planinari su pored primljene pomoći od narodnih vlasti dali veliki udio u izgradnji svojih- domova i kuća u vidu dobrovoljnih radnih akcija.

Teškoće planinarskih organizacija nisu prestale izgradnjom planinarskih objekata, koje sada imamo. Radi propagande planinarstva cijene prenoćišta i ostalih usluga u našim kućama i domovima su vrlo umjerene i pristupačne.

Prihodi od članarine, konačenja, prodaje razglednica, usluga u objektima 4 dobrovoljni prilozima su minimalni.

Većina ovih objekata nalazi se u upotrebi već 6—7 godina i oni iziskuju, u odnosu na naše sadašnje materijalne mogućnosti, zamašne sume za redovno i investiciona održavanje i osiguranje objekata kod DOZ-a.

Takvo stanje u svim planinarskim društvima u Bosni i Hercegovini proteže se već nekoliko posljednjih godina, otkako je zajednica bila prisiljena da sve svoje materijalne snage usmjeri na izgradnju neuporedivo važnijih objekata kapitalne izgradnje i nije mogla da

nam pruži pomoć u onoj mjeri kao nekoliko godina prije toga. Daljnjim poboljšanj3tn životnog standarda naših ljudi pojačaće se i mogućnost posjeta našim objektima, pa se može očekivati da će i prihodi od spavanja i ostalih usluga u objektima porasti. Nadamo se da će u narednim godinama i zajednica biti u mogućnosti da pruži materijalnu pomoć planinarskim organizacijama.

Imajući u vidu poteškoće oko izgradnje i održavanja planinarskih kuća i domova, apeliramo na posjetioce da ih čuvaju kao zajedničku imovinu. Takođe ih molimo da se pridržavaju kućnog reda, jer ćemo na taj način najviše doprinijeti očuvanju planinarskog karaktera naših objekata i omogućiti da se svaki posjetioc naših domova i kuća u njima ugodno osjeća i odmori. Primjerni planinarski domovi i red u njima, pored prirodnih ljepota naših planina, privući će u planinarske redove i dobar broj onih koji nisu nikad planinarili.



PLANINARSKI SAVEZ BOSNE I HERCEGOVINE
Sara je v o, Vojvode Stepe Obala 1, post. pretnac 32

Planinarska društva

„Bjelašnica	— Sarajevo INA 79 — telefon 53-61
„Treskavica"	— Sarajevo, Maršala Tita 83, telefon 39-38
„Trebević"	— Sarajevo, Grafički dom, Jadranska 2. telefon 23-61
„Željezničar"	— Sarajevo, Ključka, %
„Crepoljsko"	— Sarajevo. (Rektorat univerziteta)
„Ozren"	— Sarajevo, Alipašin Most
„Prijatelj Prirode"	— Sarajevo, Direkcija pošta
„Planinar"	— Sarajevo — Vogošća
„Budoželj"	— Breza
„Perun"	— Vareš
„Pogorelica"	— Kiseljak
„Vranića"	— Fojnica
„Bitovnja"	— Kreševo
„Visočica" i	— Visoko
„Drečić"	— Kakanj
„Tajan"	— Zenica
„Tajan"	— Zavidovići
„Vlašić'	— Travnik
„Pa vio vica"	— Novi Travnik
„Vaso Kacković"	— Rogatica
„Vučkovića"	— Goražde
„Zelengbra"	— Foča
„Stolac"	— Višegrad

„Crni Guber"	— Srebrenica
„Svatovac"	— Lukavac
»Konjuh"	— Tuzla
„Kozara"	— Banja Luka
„Plješivica"	— Bihać
„Osječenica"	— Bosanski Petrovac
„Grmeč"	— Bosanska Krupa
„Šumar"	— Drvar
„Klekovača"	— Prijedor
„Borašnica"	— Konjic
„Prenj"	— Mostar
„Čvrsnica"	— Jablanica
„Vilinač"	— Doljani kod
„Čabulja"	Jablanice n/M
„Bijela Gora"	— Listića
„Koprivnica"	— Trebinje
	— Bugojno

Planinarska društva koja imaju planinarske
kuće i domove

1) „Bjelašnica"	— Sarajevo	8 objekata
2) „Treskavica"	— Sarajevo	3
8) „Trebević"	— Sarajevo	2
4) „Željezničar"	— Sarajevo	1
5) „Crepoljslio"	— Sarajevo	1
6) „Ozren"	— Sarajevo	1
7) „Butloželj"	— Breza	1 ¹⁷
8) „Perun"	— Vareš	1
9) „Pogorelica"	— Kiseljak	1
10) „Vranića"	— Fojnica	1
li) „Tajan"	— Zenica	2
12) „Tajan"	- Zavidovici	1
13) „Viašie"	— Travnik	2
li) „Zelengora"	— Foča	1
15) „Svatovac"	— Lukavac	1
16) „Prenj"	— Mostar	1
17) „Borašniea"	— Konjic	3
18) „Vilinač"	— Boljani	1
19) „Bijela Gora"	- Trebinje	1

UKUPNO $\frac{3}{2}$ objekta

Osim navedenih planinarskih objekata stoje pod upravom Planinarskog društva „Treskavica" dva sindikalna doma na Crepoljskom a pod upravom Planinarskog društva „Bjelašnica" planinarska soba u Opservatoriji na Bjelašnici, Sarajevski smučarski klub u Sarajevu ima 2 objekta.

Planinarski dom Šavnici

Nadmorska visina 940 metara. Sagrađen 1951 g. na podnožju Hranisave. Udaljen je 1 sat laganog hoda od željezničke stanice Pazarić na pruzi Sarajevo—Dubrovnik (Pazarić 25 km. udaljen od Sarajeva). Dom raspolaže sa 10 spavaćih soba sa 40 kreveta, 2 trpezarije, soba za dnevni boravak, kuhinja sa svim potrebnim suđem koje stoji na raspolaganju posjetiocima doma, električno osvjetljenje iz vlastite hidrocentrale, voda u kući, podrum i ostale nusprostorije.



Za razonodu radio, šah i ostale društvene igre. — Dom se nalazi na livadi obrasloj crnogoričnom i bjelogoričnom šumom. — Kraj obiluje cvjetnim [livadama i dobrim izvorima.

Okolina je podesna za smučanje, a naročito za početničke kurseve.

Ture: Podgradina 1,30 s. hoda, Stanari 2,30 sati hoda, Sitnik 3 sata hoda, Opservatorij na vrhu Bjelašnice 6 sati hoda, Hranišava 3 sata hoda, Vrelo Kradenik 1,30 sati hoda, Mejna Luka 2,30 sati hoda.

Dom je stalno otvoren, a opskrbljen je djelomično i sa suhom hranom (konzerve, sardine, brašno, šećer, mast, riža i t. d.) čajem, kafom, čokoladom te drugim poslasticama, alkoholnim i bezalkoholnim pićima i razglednicama.

Informacije daje Planinarsko društvo „Bjelašnica" — Sarajevo, Jugoslovenske narodne Armije ulica 79 — Telefon 53-61.



Planinarska kuća Podgradina— nova

Sagrađena je 1952 u podnožju Bjelašnice planine, nadmorska visina 1355 m. Ubraja se među najljepše i najkonfornije planinarske kuće u Bosni i Hercegovini. Nalazi se na proplanku obraslom crgoričnom i bjelogoričnom šumom. Ima 4 spavaće sobe sa 20 kreveta, dvije trepezarije, kuhinja sa potrebnim suđem. Izvor pred /kućom.


Prilaz: od željezničke stanice Pazarić (na pruži Sarajevo — Dubrovnik) stiže se za 2 1/2 sata markiranim putem preko sela Ljubovčića do ove kuće. Novi put pored planinarske kuće Šavnici je takođe markiran. Ovaj put se preporučuje kao bolji.

Ture: Stanari 45 minuta hoda, Sitnik 1 1/2 s. hoda, Opservatorija na vrhu Bjelašnice 4 1/2 sata hoda.

Kuća je podesna za smučare, jer se u okolini dugo zadržava snijeg. Kuća nema opskrbnika. Nedeljom je otvorena. Djelimično je opskrbljena suhom hranom, čajem kafom i pićem.

Informacije daje Planinarsko društvo „Bjelašnica" — Sarajevo, Jug. narodne Armije 79, telefon 53-61.

Planinarska kuća Podgradina — stara
(Bjelašnica pl.)




U neposrednoj blizini nove kuće nalazi se stara kuća. Građena je 1948 godine, jer je za vrijeme rata bila srušena. Kuća ima 15 ležaja i kuhinju sa najpotrebnijim suđeni. — Nije opskrbljena.

Sve ostalo važi kao i za novu kuću.

Informacije daje Planinarsko društvo „Bjelašnica" — Sarajevo, Jugoslavenske narodne Armije ulica 79.

Planinarski dom na Stanarima (Bjelašnica pl.)

Sagrađen je 1949 godine na nadmorskoj visini 1585 metara, na kršnom predjelu i samom rubu crnogorične i bjelogorične šume. Udaljenost od željezničke starice Pazarić 3 sata hoda. Kuća ima 5 spavaćih soba sa 40 kreveta, 2 trpezarije, kuhinju sa potrebnim suđem, umivaonik, cisternu za vodu u kući i vrelo pred kućom.



Ljetne i zimske ture: Sitnik oko 40 minuta hoda, Hranisava 1,30 sat hoda, Opservatorij na vrhu Bjelašnice 3,30 do 4 sata hoda, Karamustafini Čairi — Javornik — Veliko Polje — Vrelo Bosne 7 sati hoda. Svi ovi putevi su markirani. Sa Stanara može se za 7 sati stići u Konjic pravcem Krošnje — Krnja Jela —

Šišin Dol pored planine Lovnice — Kovačevac — Buben Kamen — Vrdolje — Zagorica — Suha Rijeka. — Put je markiran.

Predjeli oko kuće su vrlo podesni za smučanje i smučarska takmičenja do početka mjeseca maja.

Kuća je opskrbljena sa suhom hranom i to konzervama, sardinama, rižom, makaronima, alkoholnim i bezalkoholnim pićima i razglednicama. Neposredno uz kuću nalaze se stočarske kolibe, gdje se mogu nabaviti sve vrste mliječnih proizvoda od početka mjeseca maja do početka augusta. Kuća nema stalnog opskrbnika. Otvorena je nedeljom i po potrebi.

Prijave za boravak prima i daje informacije Planinarsko društvo „Bjelašnica" — Sarajevo, JNA ulica 79, telefon 53-61.

Planinarska kuća „Zdravko Čović” 'na Hranisavi

Sagrađena je 1950 g. na vrhu Hranisave (nadmorska visina 1965 m), a nosi ime istaknutog sarajevskog predratnog planinara pok. Zdravka Čovića, koji je kao internirao u toku prošlog rata umro u koncentracionom logoru u Norveškoj.

Oko kuće kršni predjeli obrasli klekovinom i alpskom florom i bogati faunom. Kuća ima 1 sobu sa 20 skupnih ležaja, kuhinju sa najpotrebnijim suđem, cisternu i umivaonik.

Udaljenost od želj. st. Pazarić, pored Doma na Šavnicima i preko Hobera 4,30 sata hoda, markiranim putem. Sa Hranisave se pruža veličanstven vidik na južnu stranu Bjelašnice Krvavac, Prenj. Predjeli oko kuće podesni za smučanje i alpinizam,

Ljetne i zimske ture: Stanari 1 sat hoda, Sitnik 1,30 sat, Krvavac 2,30 sata, Mejna Luka 3 sata, želj. st. Tarčin 5 sati.

Kuća nema stalnog opskrbnika i otvara se po potrebi. Snabdjevena je sa izvjesnom količinom čaja, kafe, šećera alkoholnog i bezalkoholnog pića, Posjetioci se poslužuju sami,

upisuju u knjigu utrošak pojedinog artikla i ostavljaju na licu mjesta odgovarajuću sumu novca.

Ključevi od kuće i informacije mogu se dobiti u Planinarskom društvu „Bjelašnica“ Sarajevo, Jugoslavenske narodne Armije 79, telefon 53-61.



Planinarska kuća na Sitniku (Bjelašnica pl.)

Sagrađena je 1949. godine na nadmorskoj visini 1735 m. To je posljednja planinarska kuća pod Opservatorijom na vrhu Bjelašnice. Udaljena je od željezničke stanice Pazarić 4 sata hoda. Leži na krševitom planinskom predjelu sa zelenim pašnjacima. Kuća ima 2 spavaće sobe sa 20 kreveta, trpezariju, kuhinju sa potrebnim posuđem, pretsoblje i šupu. Izvor u neposrednoj blizini kuće. Nalazi se usred odličnih smučarskih terena sa obiljem snijega sve do početka mjeseca maja.



Ljetne i zimske ture: Opservatorij na vrhu Bjelašnice 3 sata, Hranisava 1,30 sati hoda. Oba puta su markirana. Sa Sitnika se

može za 8 sati stići preko Ajvaza u Konjic, a sa Sitnika na Krvavac za 2 sata.

Nema stalnog opskrbnika i otvara se po potrebi. Snabdjevena je sa čajem, kafom, šećerom, alkoholnim i bezalkoholnim pićima. Posjetioci se poslužuju sami i ostavljaju novac na licu mjesta.


Ključ i informacije u Planinarskom društvu „Bjelašnica“ Sarajevo JNA 79.

Meteorološki opservatorij (vrh Bjelašnice pl. 2.067 m. n/m.)

Obnovljen je 1951 g. na ruševinama starog Opservatorija, koji je za vrijeme rata spaljen. Pored službenih prostorija Opservatorij, ima i jednu opremljenu planinarsku sobu sa 10 kreveta, koja se nalazi pod upravom Planinarskog društva „Bjelašnica“ u Sarajevu.

Sa vrha Bjelašnice pružaju se veličanstveni vidici na Treskavicu, Visočicu, Hojtu, Jahorinu, Trebević, Igman, Hranisavu i Krvavac.

Okolina Opservatorija je krševita i obrasla klekovinom i alpskom florom, sa vrlo podesnim smučarskim terenima i obiljem snijega do početka mjeseca maja.



- Najpodesniji su prilazi:
1. Od želj. st. Pazarić (na pruzi Sarajevo—Mostar) pored planinarskih domova Sav-

nici, Podgradina, Stanari i Sitnik, markiranim putevima za 7 sati hoda. Radi postepenosti uspona i usputnih planinarskih objekata, ovaj prilaz se preporučuje kao najbolji.

2. Od želj. st. Pazarić preko s. Ljubovčića— Bor — Stanari — Sitnik, markiranim putem za 7 sati hoda.
3. Od vrela Bosne pravcem Hrašnički Stan — Veliko Polje — G. Grkarica — Babin Dol markiranim putem za 7,30 sati hoda. Sa vrha Bjelašnice se može stići preko Hojte na Treskavicu za 9 sati, u Umoljane za 2 sata. Iz Umoljana se može ići u Konjic ili se vratiti pored planinarskih domova na Stanarima, Podgradini i Šavnicima na želj. st. Pazarić. Informacije daje Planinarsko društvo „Bjelašnica“ u Sarajevu, JNA ulica 79, telefon 53-61.

Planinarska kuća na Javorniku (Igman pl.)

Sagrađena je 1949 god. na nadmorskoj visini 1336 metara u gustom crnogoričnoj šumi. Ima 1 sobu sa 12 ležaja i kuhinju sa potrebnim suđem. Pored kuće izvor.

Najpodesniji pristup je od Vrela Bosne preko Hrasničkog Stana i Velikog Polja za 5 sati hoda. Put je markiran. Preporučuju se ture: Stanari 3 sata hoda, Sitnik 3,30 sata, Opservatorij na vrhu Bjelašnice 3,30 sata. Svi navedeni putevi su markirani. Kuća nije opskrbljena.



Informacije daje Planinarsko društvo „Bjelašnica“ Sarajevo. Jugoslovenske narodne Armije ul, 79.

Planinarska kuća Hrasnički Stan (Igman pl.)

Sagrađena je 1949 god. na cvjetnoj livadi okruženoj starom crnogoričnom šumom. Nadmorska visina 3.315 metara.

Kuća ima 3 spavaće sobe sa 17 kreveta, trpezariju, kuhinju sa potrebnim sudem i ostale nusprostorije. U neposrednoj blizini kuće izvor.



Najpodesniji prilaz sa Vrela Bosne markiranim putem za 3 sata hoda. Do Vrela Bosne se može doći autobusom ili željeznicom do Ilidže. Udaljenost Vrela Bosne od Ilidže 3 km.

Ture: Veliko Polje 1 sat hoda, Opservatorij na vrhu Bjelašnice 4 sata hoda. Preporučuje se uspon na Radji Vrat radi lijepoga vidika. Udaljenost od kuće 30 min. hoda.

Ključ i informacije u Planinarskom društvu „Bjelašnica“ u Sarajevu, Jugoslovenske narodne Armije ul. 79, telefon 53-S1.



Planinarska kuća na Sustavcu
(Treskavica pl.)

Sagrađena je 1951 godine na nadmorskoj visini od 1.180 metara, usred crnogorične šume. Udaljena je 1 sat hoda od Trnova. Do Trnova vodi automobilski put sa redovitom autobusnom linijom. Sarajevo-Trnovo 36 km.



Kuća ima jednu spavaću sobu sa 8 skupnih ležaja i kuhinju sa najpotrebnim sudem. Iz ove kuće moguće su ture u svim pravcima po Treskavici planini.

Informacije daje Planinarsko društvo „Treskavica“ Sarajevo, Maršala Tita ulica 83, telefon 39-38.


Planinarski dom na Kozjoj Luci (Treskavica pl.)

Sagrađen 1951 godine, na nadmorskoj visini od 1.510 metara, udaljen je 2 sata od planinarske kuće na Sustavcu (3 sata od Trnova). Nalazi se na velikoj cvijetnoj livadi opkoljenoj crnogoričnom, i bjelogoričnom šumom. Pored doma ima izvor. Dom ima 9 spavaćih soba sa 37 kreveta i 8 kreveta u maloj kući pored doma, kuhinju, ostavu, kupatilo, trpezariju i ostavu za smučke.



U domu ima električno osvjetljenje, radio, šah i domine. U blizini su tri jezera: Crno, Bijelo i Veliko jezero. Ova jezera su u ljetnim mjesecima podesna za kupanje.

Odlični tereni za skijanje. Dom je otvoren preko cijele godine i opskrbljen toplim i hladnim jelima. Ture u svim pravcima po Treskavici planini, Vrh Treskavice (Pašina planina) 2.088 m., udaljen je od Kozje Luke oko 3 sata. Na vrhu se nalazi Đokin toranj.



(sklonište za 5 do 6 osoba)

Preporučuje se tura preko Hojte na Bjelašnicu (9 sati hoda). Put je markiran. Svake subote saobraća do Trnova autobus ili kamion Planinarskog društva „Treskavica“.

Informacije daje Planinarsko društvo „Treskavica“ Sarajevo' Maršala Tita ulica 83, telefon 39-38.

Planinarski dom Ravne (Trebević pl.)

Sagrađen je 1932 g., a obnavljan 1945 i 1952 godine. Nadmorska visina 1010 m. Dom ima 6 soba sa 20 kreveta, dvije trpezarije, terasu i veliku baštu sa stolovima, vodovod i električno osvetljenje, radio i telefon br. 31-85. Stalno je opskrbljen sa toplim i hladnim jelima i pićima za okrepu.

Okolina doma je obrasla borovom i smrčevom šumom. Ima pogodnih terena za smučanje i sankanje.

Udaljenost od Sarajeva 1,30 sat hoda.
Automobilom se može stići za 20 minuta.

Ture: vrh Trebevića 1.629 m 1,30 sat hoda

Dobra voda 1/2 sata hoda

Smučarski dom Brus 15 min.

Planinarski dom Brus 20 min,

Planinarski dom Čelina 1,30 sat hoda.

Od Dobre Vode odvaja se put preko Puhove Ravni za Jahorinu, a od Čeline za Bistricu i Pale.

Putevi na Trebeviću su markirani.

Informacije daje Planinarsko društvo „Trebević“ u Sarajevu, Jadranska ul. 2, telefon 23-61 ili telefon 31-85 u domu.


močarski dom „Brane Prokopić" na Brusu
(Trebević)

Sagrađen je 1948 g. na nadmorskoj visini od 1.085 m. Nosi ime istaknutog omladinskog rukovodioca pok. Brane Prokopića.

Dom je moderno preuređen i adaptiran, pa sada raspolaže sa 5 soba po 4 kreveta, trpezarijom, električnim osvetljenjem, radioni, hladnom i toplom vodom. Otvoren je preko cijele godine i dobro opskrbljen.

Udaljenost od Sarajeva 1,45 h. hoda. Ture kao i od planinarskog doma na Brusu.

Informacije daje Sarajevski smučarski klub u Sarajevu, Maršala Tita ul. 114, telefon 37-66.



Planinarski dom na Brusu (Trebević)

Sagrađen je prije rata, a obnovljen 1953 g.

Nalazi se na nadmorskoj visini od 1.100 metara na ivici crnogorične šume. Dom ima 7 soba sa po jednim krevetom i 2 sobe sa po 2 kreveta, veliku trpezariju, kuhinju i kupatilo« Dom je stalno opskrbljen i otvoren preko cijele godine. Električno osvjetljenje, radio i voda u domu

Pristup: iz Sarajeva za 2 sata umjerenog hoda, a automobilom 25 minuta.

Preporučuju se ture: Dobra Voda 1/2 sata, Vrh Trebevića (1.629 metara) 1,30 sat hoda, Puhova Ravan — Čelina 1,30 sat hoda i Jahorina 5 sati hoda. Svi su ovi putevi markirani. Tereni oko doma su podesni za smucanje i sankanje.

Informacije daje Planinarsko društvo „Treskavica" Sarajevo, Maršala Tita ulica 83, telefon, 35-81.

Planinarski dom na Čelini (Trebević pl.)

Sagrađen je 1954 - 55 godine, na nadmorskoj visini od 1.256 m., pored nove ceste Brus-Bistrica.

Dom ima 5 spavaćih soba sa 18 kreveta, kuhinju, trpezariju i ostale nusprostorije, terasu, vodovod u kući, električno osvjetljenje i radio.

Vrlo lijepi vidici pružaju se na Romaniju i Crepoljsko. Okolina je podesna za smučanje. Dom je stalno otvoren i opskrbljen toplim i hladnim jelima i raznim pićima za okrepu.

Iz Sarajeva do doma može se stići za 3 sata umjerenog hoda, a automobilom za oko 30 min.

Ture: Puhova Ravan — Dobra Voda 1 sat hoda.

Puhova Ravan — Vrh Trebevića (1629 m.) 1,30 sat.

Bistrica — Jahorina (cestom) 4 sata.

Puhova Ravan — Jahorina 4 sata.

Svi su ovi putevi markirani.

Informacije daje Planinarsko društvo grafičara „Trebević“ u Sarajevu, Jadranska ul. 2, (Dom grafičara), telefon 26-31.

. Smučarska kuća „KOŠUTA“
(Jahorina pl.)

Sagrađena je 1955 god., neposredno uz hotel „Jahorina“, Raspolaže sa dvije velike spavaone sa po 30 kreveta, jednom sobom sa 5 kreveta, kuhinjom, trpezarijom, toplom i hladnom vodom, električnim osvjetljenjem, telefonskom vezom.

U blizini odlični smučarski tereni, i uspinjača. Zimi obezbjeđen učitelj skijanja.

Kuća je otvorena preko cijele godine. Dnevni pansion oko 500 dinara.

Od želj stanice Pale (na pruzi Sarajevo — Višegrad) do ove kuće 3 sata hoda. U smučarskoj sezoni na relaciji Sarajevo — Pale — Jahorina saobraća autobus Preduzeća „Udarnik“ svake srijede, subote i nedjelje sa polaskom iz Sarajeva srijedom i subotom u 14 sati, a nedjeljom u 8 sati. Povratak sa Jahorine u 17 sati u iste dane.

Informacije daje Sarajevski smučarski klub u Sarajevu, Maršala Tita 114, telefon 37-66.

Osim ove smučarske kuće na Jahorini planini postoje još i 2 luksuzna opremljena hotela „Jahorina“ i „Šator“ i Dom JNA.'

Planinarski dom željezničara
„Slaviša Vajner-Ćića"
(Romanija pl.)

Dom je sagrađen 1851 godine, na nadmorskoj visini od 1250 metara. Nalazi se u gus-toj crnogoričnoj šumi prošaranoj cvijetnim livadama. U domu ima 45 kreveta i 40 ležaja, /sobe su po 2, 4, 6 i 11 kreveta/ , velika trpezarija, kuhinja, balkon i ostava za skije. Dom ima električno osvjetljenje i radio. Otvoren je subotom i nedeljom. Nije opskrbljen, ali se može dobiti čaj, kafa, alkoholna i bezalkoholna pića za okrepu. Udaljenost od željezničke st. Koran (na pruzi Sarajevo - Višegrad) 3 sata hoda preko Carevih Voda, a od željezničke stacije Stambolčić (na istoj pruzi) 3,30 s. hoda.


Ture: Novakova pećina 45 minuta,
Novakovo vrelo 30 minuta,
Vrh Romanije 1,30 sat
Crvene Stijene 3 sata,
Bogovići 3 sata hoda.

Teren je podesan za alpinizam. Za smučanje nema podesnih terena.

Informacije daje Planinarsko društvo „Željezničar" Sarajevo, Ključka ulica 2."

CREPOLJSKO

U mjesecu septembru 1955 g. preuzelo je Planinarsko društvo „Treskavica“ u Sarajevu na upravljanje oba sindikalna doma na Crepoljskom. Cvjetne livade ljeti i idealni smučarski tereni sa obiljem snijega zimi oko domova, čine Crepoljsko omiljenim izletištem. Sarajlija.



Domovi na Crepoljskom raspoložu sa 136 postelja. Imaju električno osvjetljenje (agregat), radio i telefon br. 38-89. Otvoreni su preko cijele godine i opskrbljeni hranom i raznim pićima.

Udaljenost od Sarajeva 3 sata hoda.
Ture: Do planinarskog doma na Bukoviku 1 sat hoda.

Vodopad Skakavac, visok 97 m. 1,30 s. hoda,
Vučija Luka 1 sat hoda.

Do planinarskog doma na Ozrenu 3 s. hoda.

Za informacije obratiti se Planinarskom
društvu „Treskavica“ u Sarajevu, Maršala,
Tita ul. 83, telefon 39-38 ili 38-89 u domovima,
na Crepoljskom.



Planinarski dom ncs Bukoviku

Graden je 1952 -1954 g. na planinskoj visoravni 1.459 metara nadmorske visine ispod vrha Bukovika (1.532 m.) Dom ima 4 spavaće sobe sa 42 ležaja, veliku trpezariju, kuhinju, terasu i ostavu za skije i hranu.

Dom ima radio, šah, domine stoni tenis, i igralište za odbojku.

Tereni za smučanje su vrlo dobri. Udaljenost od Sarajeva 3,30 sata preko sela Nahoreva.

Od Crepoljskog 1 sat hoda, a do Crepoljskog se može stići za 1 sat automobilom ili za 3 sata pješke.

Ture: Ozren 3 sata hoda, Romanija 5 sati hoda, Crepoljsko 1 sat hoda, Vodopad Skakavac (97 metara visok pad) 1 sat hoda.

Informacije daje Univerzitetsko planinarsko-smučarsko društvo „Crepoljsko“, Sarajevo zgrada Rektorata univerziteta, Obala Vojvode Stepe 8/IV, soba 226.

Planinarski dom na Ozrenu (Ozren pl.)

Započeta gradnja 1954 g. Radovi su u završnoj fazi i dom će biti otvoren u najskorije vrijeme. Nadmorska visina 1.310 m. Nalazi se na planinskoj visoravni okruženoj; crnogoričnom šumom.

Dom ima 30 ležaja i 10 kreveta (sobe sa 1 i sa 3 kreveta), električno osvjjetljenje, vodu u kući, kuhinju sa potrebnim sudem, veliku trpezariju i terasu. Udaljenost od želj. st. Srednje (na pruži Semizovac—Ivančići) 3 sata hoda, a iz Sarajeva preko Crepoljskog i Vučije Luke za 6 sati hoda.

Ture: Crepoljsko 3 sata, Bukovik 3,30 sata.

U blizini kuće nekoliko neispitanih pećina.

Kuća nije snabdjevena. Čuvar se nalazi u selu Ozren.

Informacije daje Planinarsko društvo« „Ozren" — Sarajevo (Preduzeće „Zrak") telefon 39-43.

Planinarski dom na Budoželju

Građen je 1952 i 1953, a otvoren je polovinom 1954 g. Nadmorska visina 1.173 m. Nalazi se ispod vrha Budoželja (1.254 metra nadmorske visine), u gustom crnogoričnoj šumi. U neposrednoj blizini sela Budoželj. Dom ima dvije spavaće sobe po 10 kreveta i 5 ležaja, trpezariju, kuhinju sa sušem i ostavu.

U domu ima električno osvjetljenje, radio šah i ugodna soba za dnevni boravak. Stalno je otvoren, ima domaćina. Okolina doma je podesna za manje izlete i smučanje. Udaljenost od željezničke stanice Dabravine 1,30 sat hoda. Isto tako i od želj. st. Stavnja. Obje stanice su na pruzi Podlugovi—Vareš. — Putevi su markirani.

U Dabravinama se preporučuje posjeta mineralnog vrela „Kiseljak“.

Informacije daje Planinarsko društvo „Budoželj“, Breza — telefon 1 lokal 13.



Planinarski dom "JAVORJE"

(Perun pl.)

Ovaj dom sagrađen je 1952 god. na Perunu, na nadmorskoj visini od 1.428 metara. Nalazi se na velikoj livadi u blizini šume i spada u red naših najljepših planinarskih objekata. Ima 2 spavaće sobe (1 sa 10 kreveta i drugu sa 36 ležaja sa posteljinom), veliku trpezariju, kuhinju, pretsoblje sa umivaonikom i ostale nuzprostorije. Za razonodu ima radio, šah, knjige i planinarske časopise. Oko kuće podesni tereni Za smučanje i nogomet. Okolina je podesna za šetnje i izlete.

Udaljenost od željezničke stanice Vareš 1,30 sat umjerenog hoda. Put je markiran. Dom je opskrbljen suhom ranom, slatkišima, kafom, čajem i pićem.

Za dva sata se može stići od doma na Bobovac, ruševinu historiske tvrđave bosanskih kraljeva. Na povratku se može uzeti put Perun—Sutjeska—Bobovac—Čatići (želj. stanica Čatići na pruzi Doboj — Sarajevo).

Dom je vlasništvo Planinarskog društva „Perun“ u Varešu. Informacije i ključ se može dobiti od domaćina Kohut Alekse u Varešu —Majdanu ili od Dželatović Mirka, Vareš —Majdan, Željezara — telefon 28.

Planinarski dam na Pogorelici

Sagrađen je 1953-1954 na Pogorelici, na nadmorskoj visini od 1.441 metar.

Dom ima 3 spavaće sobe po 6 kreveta zimi, a ljeti se koriste još i 4 kreveta upret-soblju, trpezariju i kuhinju (ujedno), pretsoblje i terasu.

Okolina je podesna za smučanje, lov, te-sportski ribolov i kupanje na rječici Duboki Potok. U blizini ima i podesnih terena, za. alpi-nizam.

Udaljenost od Fojnice 3 sata hoda,

Do Fojnice se može doći autobusom, posljednja željeznička stanica je Visoko.


Iz Visokog saobraća autobus za Kiseljak. i Fojnicu.

Informacije daje Planinarsko društvo „Pogorelica" — Kiseljak. Ključ se nalazi u Upravi društva.



Planinarski dom „Prokoško jezero“ (Vranica pl.)

Dom je sagrađen 1952. godine kod samoga Prokoškoga jezera na nadmorskoj visini od 1.640 metara. Prokoško Jezero je glečersko jezero, 300 metara dugo, 200 metara široko i 13 metara duboko. Oko jezera su lijepi pašnjaci. Dom ima 2 sobe po 6 kreveta i 1 sobu sa 28 ležaja, trpezariju i ostavu za skije kao i nuzprostorije. Za razonodu ima šah i biblioteku. Ljeti kupanje u jezeru. Podesni tereni za smučanje. Dom je djelimično snabdjeven. Otvoren je od 1. VI. do 1. X.



Udaljenost od Fojnice 4 sata hoda. Do Fojnice autobus iz Sarajeva ili iz Visokog. Sve informacije daje Planinarsko društvo „Vranica“ u Fojnici.

Planinarski dom na Liscu (Lisac pl. kod Zenice)

Sagrađen je 1952 godine na Liscu, na nadmorskoj visini od 1.012 metara. Od posljednje željezničke stanice Jelina (prva stanica od Zenice prema Doboju) udaljen je 1,45 sati hoda. Dom se nalazi na livadi, ima izvorsku vođu i stalno je opskrbljen i otvoren. U domu ima 24 kreveta u 4 sobe, trpezarija kuhinja, presoblje i ostale nusprostorije. Za razonodu mala biblioteka, šah i gitara. Tereni su pogodni za smučanje. Preporučuje se tura do radničkog odmarališta Bistričak i do Nemile (3 sata hoda).

Informacije daje Planinarsko društvo „TAJAN“ Zenica - Rudnik, telefon 44



Planinarsko sklonište na SMETU

Sagrađeno je 1946 godine na nadmorskoj visini od 1050 m. Udaljenost od Zenice 2 sata hoda. Sklonište ima 1 spavaću sobu sa ležajima i kuhinju. Kuća nije ospkrbljena. Voda - izvor. Teren je podesan za smučanje.


Preporučuje se povratak preko Kraljevine i Gračanice do Zenice 4 sata hoda.

Informacije daje planinarsko društvo „Tajan“ Zenica, Rudnik telefon 44.



Planinarski dom „Rade Kondić”
u Kamenici

Dom je sagrađen 1950 - 51 ispod Rapte planine, na visoravni između rijeke Bosne i Krivaje. Nadmorska visina 407 metara. Dom



se nalazi pored riječice Gostović koja je u ljetnim mjesecima podesna za kupanje. Smu-


čarskih terena nema, jer je dom u gustom šumi. U domu ima električno osvjetljenje, 9 spavaćih soba sa 30 kreveta i 20 ležaja, 2 trpezarije, kuhinju sa potrebnim suđem, ostava za hranu i skije i 4 terase.

Udaljenost od Zavidovića 3,30 sata hoda,, ili šumskom željeznicom 17 km.

Okolina obiluje špiljama, koje su udaljene od 1 do 3 sata hoda. Do vrha Tajan planine 1296 m i do jezera ispod vrha može se stići za 3,30 sata.

Dom je djelomično opskrbljen hranom, a otvoren je preko cijele godine.

Informacije daje Planinarsko društvo „Tajan“ Zavidovići.



Planinarsko-smučarski dom na GALICI

Sagrađen je 1918 g. na Vlašić planini sjeverozapadno od Travnika. Nadmorska visina 1.450 metara.

Udaljenost doma od želj. st. Turbe 3 sata hoda. Dom ima 4 spavaće sobe sa 15 kreveta i jednu sa 16 skupnih ležaja, trpezariju, kuhinju i ostavu za skije. U domu ima mala biblioteka i šah, električn'o osvjetljenje (agregat). Tereni su podesni sa smučanje.

Dom se nalazi na planinskom pašnjaku sa lijepim vidicima. Sa sjeverne strane otvoren je pogled na vrhove masiva Vlašić planine (Paljenik 1943 metra i Devečanske Stijene 1785 metara). Sa južne strane otvoren je vidik na dolinu rijeke Lašve i na planine: Vranića, Bjelašnica, Krušička planina, Matorac, Sikira, Kalin, Koprivnica i Cincar.

Preporučuju se ture na Devečanske Stijene 1785 metara — 1,30 sat hoda, vrh Vlašića (Paljenik) 3 sata hoda, Gromila 1919 metara 4 sata, Vrela Santići 2 sata, Vrela Kraljica 3 sata, Babina Ravan 1,30 sat i do planinarskog doma na Harambašinoj vodi 1 sat hoda. Jedan sat hoda od doma „Galica" udaljena je rječica Ugar podesna za sportski ribolov i kupanje.

Dom nije stalno otvoren. Ključ sa nalazi u Travniku kod Uprave kina „Lašva", Titova ulica 68, telefon 74 i 86.

Informacije daje Planinarsko društvo „Vlašić" — Travnik.

Planinarsko-smučarski dom „Harambaša“
(Vlašić pl.)

Sagrađen je 1931 god. na planini Vlašić u gusnoj crnogoričnoj šumi, pored vrela zvanog „Harambašina Voda“. Nadmorska visina 1.350 m. Sa sjeverozapada pruža se pogled na Koričanske Stijene, koje se okomito dižu iznad rječice Ugar u visini od 800 metara. Dom ima 3 spavaće sobe sa 25 ležaja, kuhinju, trpezariju, ostavu za! smučke i otvorenu terasu. Tereni su podesni za smučanje i za mnogobrojne ture: Paljenik 1943 metra 4 sata, Gromila 1919 metara 5 sati, na visoravan Devečane 1785 m. 2,30 sata, Vrela Šantić 1 sat, Vrela Kraljica 2 sata, Babina Ravan 1 s. i visoravan Galica 1.450 metara nadmorske visine 1 sat hoda. Na Galici se nalazi istoimeni planinarski dom.

Pola sata od doma „Harambaša“ udaljena je rječica Ugar podesna za kupanje i sportski ribolov. Dom nije opskrbljen. Otvara se prema potrebi.

Udaljenost 4 sata hoda od željezničke stanice Turbe, kod Travnika.


Informacije daje Planinarsko društvo „Vlašić“ u Travniku.

Planinarska kuća na Kmuru

Sagrađena je 1953-1954 god. na Kmuru, na nadmorskoj visini od 1.350 m. Udaljena je od Foče 3 sata hoda. Od kuće se pruža lijep vidik na vrh Kmura 1509 m., na dolinu rijeke Drine, Foču i Maglić. Pogodni smučarski tereni.

Kuća ima 4 sobe sa nuspiostorijama.

Ključ se nalazi kod Uprave društva „Zelengora" u Foči.



Planinarska kuća na Svatovcu

Sagrađena je 1950-1951 g. na Svatovcu na nadmorskoj visini od 416 m. Nalazi se na mjestu gdje je i prije rata bila planinarska kuća.

Ima 1 sobu sa skupnim ležajima i 2 sobe sa ukupno 11 kreveta.

Udaljenost od željezničke stanice Lukavac Novi 16 km. Povremeno ima i kamiona sa kojima je moguć prevoz. U okolini kuće ima podesnih terena za smučanje.

Informacije daje Planinarsko društvo „Svatovae u Lukavcu,



Planinarska kuća na Rujištu (Prenj pl.)

Sagrađena je 1953 godine na nadmorskoj visini 1050 m. Od želj. stanice Vojno do kuće na Rujištu ima 16 km., a automobilskim putem. od Mostara preko Potporima 26 km.

Kuća ima 1 spavaću sobu sa 8 kreveta i zajedničke ležaje za 20 osoba, trpezariju, kuhinju, podrum i verandu.

Ljetne ture: Bijele vode 2 sata, Prijevorac 2,30 sata, Jezerce 4 sata, Crna Gora (Lesin) 3 sata, Herceg Vrelo 3 sata i Boračko Jezero 4 sata hoda.

Odlični tereni za alpinizam i smučanje. Snijega ima od januara do maja.


Kuća nije opskrbljena. Ključ se nalazi kod Golubović Dušana u Selu Potporim.

U neposrednoj blizini ove kuće u izgradnji je turistički dom većeg kapaciteta.

Sve informacije daje Planinarsko društvo „Prenj“ u Mostaru.

Planinarska kuća na Jezercu (Prenj pl.)

Planinarsko društvo „Borašnica“ iz Konjica obnovilo je 1951. godine planinarsku kuću na Jezercu (Prenj pl.), na nadmorskoj visini 1700 m. Kuća se nalazi na glavnom prolazu od Konjica dolinom potoka Bijele i Rakovim Lazom ka Crnom Polju i Boračkoj draži. Smještena je između visova Taraša, Osobca i Otiša u krševitom predjelu alpskog karaktera. Pored kuće izvor — vrelo.




01« i Zelsne Glovice 2.123 rn {Prenj pl.)

Kuća ima 2 sobe po 3 kreveta i jednu sobu sa 30 ležaja, trpezariju, kuhinju i ostavu za smučke.

Udaljenost od Konjica pravcem Boračka Draga — Crno Polje 8,30 sati hoda, a pravcem Ljubina — Rapte 9 sati hoda. Najkraći put je preko Skoka, koji je prohodan samo ljeti. Trajanje hoda 5 sati.

Odlični tereni za alpinizam i smučanje do početka mjeseca maja.

Prije polaska na Prej obavezne informacije u Planinarskom društvu „Borašnica“ Konjic, telefon, 17 i 76.



Planinarska kuća Vrteljica
(740 m. n/m.)

Kuća je manjeg kapaciteta. Sagrađena je 1955 godine. Od Konjica je udaljena 30 minuta hoda.

Informacije daje Planinarsko društvo „Borašnica“ u Konjicu"



Planinarska kuća „LJUBINA“

Planinarska kuća „Ljubina“ nalazi se na putu Konjic — Rapte. Nadmorska visina 1.001 m. Udaljenost od Konjica 2,30 sat hoda.

Kuća ima 3 prostorije: sobu sa 15 ležaja, sobu sa 4 ležaja, koja ujedno služi i kao kuhinja i trpezarija.

Tereni oko kuće podesni za smučanje.

Kuća nema opskrbnika i otvara se po potrebi.

Informacije daje Planinarsko društvo „Borašnica“ u Konjicu, telefon 17 i 67.



Planinarska kuća na Vilincu (Čvrsnica pl.)

Planinarska kuća „Vilinač“ na Čvrsnici planini, pod samim vrhom Velikog Vilineca, sagrađena je 1938-39 g., a obnovljena 1950-51 godine. Nadmorska visina 1.961 m.

Kuća se nalazi na visoravni sa lijepim vidikom na Prenj, Čabulju i Velež.

Ima jednu spavaću sobu sa 24 ležaja i trpezariju, koja je ujedno i kuhinja. Cisterna sa pumpom u kuhinji.

Okolina je podesna za alpinizam. Smučarski tereni su udaljeni od kuće.

Udaljenost od Jablanice, Dive Grabovice ili od Doljana 8 sati hoda.

Ture: Pešti Brdo, Veliki Vilinač, vrh Čvrsnice, Blidinjsko Jezero, Sljeme i Plasa.


Ključ se nalazi kod domaćina kuće Joze Klepice, Doljani, z. p. Jablanica n/N.

Informacije daje Planinarsko društvo „Vilinač“ Doljani.

Planinarska kuća na Bijeloj Gori
(kod Trebinja)

Planinarsko društvo „Bijela Gora“ u Trebinju ima u izgradnji planinarski dom na „Bijeloj Gori“.

Za informacije obratiti se na Planinarsko društvo „Bijela Gora“ u Trebinju.



Štampa:
Štamparije — Rogatica
